


Карен Армстронг



12:02 / 17.10.2022 4606

Британиялик ёзувчи, ақидалар қиёси ва уларнинг тарихи борасида долзарб асарлар ёзган собиқ роҳиба доктор Карен Армстронг ёзади: «Муҳаммад (алайҳиссалом) намунали шахс сифатида нафақат мусулмонлар, балки бутун инсоният, хусусан ғарбликлар учун ҳам муҳим сабоқ бера олган пешводир.

Унинг ҳаёти жиҳод эди. Жиҳод сўзи фақатгина дин йўлида қилинган жанг маъносига чекланиб қолган эмас. Жиҳод бу мужодала, яъни нимадир хатога қарши курашнинг бир туридир. Муҳаммад (алайҳиссалом) урушлар туфайли парчаланиб кетган, ўзаро жангу-жадаллар пароканда қилиб юборган Араб ярим оролида тинчлик ўрнатиш учун бор имкониятини сарфлади. Биз

бугун Муҳаммаддан (алайҳиссалом) ўрнат олиб, йўлидан юрадиган кишиларга муҳтожмиз.

У ўз умрини адолатсизлик, монополия ва зулмга қарши курашга бағишлади. Муҳаммад (алайҳиссалом) ўша вақтда Араб ярим ороли жар ёқасига келиб қолганини англай олган. Бундан ташқари, қабилаларга сингиб кетган одатлар ҳаётий дастур бўла олмайдиган бефойда нарсалар эканини ҳам яхши билар эди. Шу боис, у киши ўз ҳаёти ва бор имкониятини янги ҳаёт дастурини тузиб, тақдим этиш йўлида сарф этди».